

敘州府志卷八

城池

在漢高后始城夔道建置犍為亦令自保分徙屢更
高深畢造繡堞嶒峻金隍回繚鄉鎮星環市廛雲遶
述城池第六

敘州府

唐德宗時韋臯開都督府於三江口創築土城會昌
三年馬湖江水蕩圯徙築江北今名舊州其城址猶存宋末元
兵入蜀安撫郭漢傑移治登高山土城遺址尚存至元十三
年復城於三江口即今治明洪武初總兵曹國公設守

敘州府志卷八

城池

宜賓

禦千戶所增修外城包舊城於內砌以甃石城高二

丈七尺厚一丈八尺周六里計一千八十七丈門東

曰麗陽東之南曰合江南曰七星俗呼為小南門南之東曰

建南俗呼為大南門西曰文星北曰武安東南以岷江馬湖

江為天塹西北鑿濠廣五丈深一丈五尺城內水道各有暗溝

寬二尺深三尺溝內有井深八尺每三年淘井一次以防淤塞詳在舊案中

皇朝乾隆二十七年知縣初元方培修並建六城門樓堞

口嘉慶十六年署知縣劉元熙重修六門城樓宜賓志

咸豐九年滇匪擾敘後增修西北兩門月城二座又

四隅炮臺七座合江門外水城炮臺二座走馬街護

城外關一座舊輯

顧汝修修城記敘之爲郡負山阻江雄據地勢東跨瀘水西控嘉陽北帶三榮南通六詔舟車絡繹夷獠出沒之區自古稱爲要害唐命韋臯開都督府於此以鎮撫之重其地也舊志載郡城創自明初週環六里壘石爲之石體方正廣厚屹如山立視他城爲最固明末寇亂偏州小邑且不能保况敘爲水陸交衝蹂躪尤甚是以樓櫓堞雉蕩然如洗而城之摧毀不知其凡幾矣太守託公奉

簡命來守是邦毅然卽欲任之計工費甚鉅難以卒舉姑

敘州府志

卷八

城池

二

宜賓

緩圖之癸未秋

制詔直省督撫凡天下城垣有殘缺者命所在有司亟爲修葺而是時宜令初君甫以才能擢調來此太守喜曰修城吾志也適奉

制詔而又得佐理之人吾事濟矣乃相與協謀會計工費引尋以度之借箸以籌之選匠購材將卜日興事爰有紳士耆老聚而謀曰

天子爲我民計久安修捍衛而我民固可晏然坐視委諸守令乎况守素清廉今又始至此非我民之任而誰任也今當校賦以輸財則無偏累之虞計丁以

受役則無不均之患鄉有總俾其漚之里有正俾其覈之無所侵漁然後舉而納諸公請於守令擇賢能方正者以司其事事不難就也則皆應之曰唯於是走白諸令令弗違也則以達於太守太守曰眾志成城茲於吾民益信之乃具狀以申於大府而從其議民之踴躍爭輸者踵相接也明年春工大集木石甃瓦無不畢具初君乃擇諸生之老成者若人或掌出入或巡工役身復時至其所董率之獎諭之又從而賞賚之以故人忘其役功易以成方工之始余適自北歸泊舟合江樓下宜

城池

宜賓

敘州府志

卷八

三

之司訓田君余同里也告余以故且亟稱守令之賢耳竊熟焉冬十月田君遣使持書來言城工訖矣堞雉新矣六門重樓旣壯且麗巍然煥然望之如雲厥功偉哉敢請爲記將勒貞珉以告來者此固士民意也其無辭夫宜之士民風俗純厚尙義急公予知之素矣然非上之人有以感之其曷克臻此傳曰民依於城城依於德其斯之謂歟爰述其大概以授之至於工費之數遠不能悉然志大者細固不必贅也

宜賓縣知縣初元方修城記乾隆癸未春余自遂

甯移調宜賓適奉修城之檄宜附郭邑也城週六里頽者三之一爲門者六門樓女牆無一存焉方其始至諸務紛拏未遑首及旣乃與郡守託公謀所以經營之策而紳士耆民力請共輸修築費重違其意則以達於諸上憲皆報曰可乃選良工采木於縣之邊境不足者購諸商賈石仍其舊新伐者半焉擇土性堅凝者以陶甄瓦而濶其製明年春物力咸備募貧窶編民分地投役籍而稽之擇諸生老成者五人曰夏瑄凡西北之出納爲汝司之曰劉慤凡東南之出納惟汝司之慎其會計無

舛無遺曰熊倫自東而南者凡木石之工汝皆督之曰王參宇城自南而西者汝皆督之曰吳玉璽城北一面汝獨當之務各巡其勤惰朝稽其作暮酬其值日食之外時加勞恤則人知勉矣皆唯趨事肇工於三月之首至十月終而告竣城增高於舊者三尺修補崩缺凡八十一處計長五百六十六丈有奇門皆建樓樓皆三楹高三丈有奇女牆足以隱人週遭共一千七百一十六雉木石甄瓦共費白鏹四千三百八十有奇工役之費共計二千五百二十有奇而油漆灰鐵未旣焉斯舉也民輸

其費而不知役工呈其藝而不知勞諸生殫其智慮而悉協條理予敢掠以爲己功哉司訓田君請廷尉顧公爲之記而未及其詳予故備述之並泐諸石用以彰士民之尙義云

宜賓縣

附郭

慶符縣

舊志古漢陽城後更爲棘道城明天順八年知縣詹文始築土城高一丈二尺周三里五分計六百三十二丈成化五年知縣黃瓚重葺以甃石池深一丈門四久圯

敘州府志

卷八

城池

五

慶符

皇朝咸豐十年知縣李忠清創建石城圍五百五十五丈城身高二丈寬一丈六尺城垛均高四尺二寸共計七百九十堞東西炮台各一門四震德迎薰麗澤拱

辰縣志

知縣李忠清碑記慶符自有明天順八年初築土城成化五年始易以石圯自何時乘志無考

國朝乾隆三十一年知縣九格擬修未果咸豐己未秋滇匪之亂以無城故倉猝失守武令死焉以忠清權縣事詢之紳民僉曰城不可少乃爲之倡邑之人從而和之鑿金萬餘鑿石鳩工於咸豐庚申夏

五月合力修築司其事者爲紳糧樊嵩齡胡行達
李元端胡錫祜嚴都旭何國俊李大成扶永清李
文綯何濟霖簡照顏吳恕宗嚴錫琪陳國明李培
芳張步瀛樊肇奎王士元楊秉乾黃行達鄭均等
率皆好義急公者爰誌顛末以垂於無窮

富順縣

城垣舊制西北包鍾秀山瀾巖馬腦山至凌雲山止
東南瀕洛水本土城歷年久圯且齧於洛水缺畧不
治正德壬申巴閬盜起知縣童綸裁約其制費以甃
石始成城週五里有奇計長一千零五十三丈四尺

敘州府志

卷八

城池

六

富順

高一丈五尺脚寬一丈三尺爲門七東曰東津南曰
文明西曰凌雲北曰拱極東北曰向陽西南曰鎮江
又東北之中曰子門僉事蔣信暨昭勳坊以表之東
北隅後爲洛水衝激沙岸漸崩城垣傾圯萬曆二年
知縣劉泰宇由小東門至子門費以灰石堤成城賴
以保護六年復因水漲堤崩知縣秦可貞更加完砌
如舊

皇朝歷年頽塌共二十二處城門七座全毀乾隆三十一

年知縣葉體仁勸閭邑士民捐修

舊縣志

五十年知縣

姚燦五十九年署知縣裘允緒嘉慶元年知縣李明

心五年知縣王銓次第修補十五年知縣張利貞修補城垣週圍女牆柵子及城門城樓另書樓額曰賓日壽光樣月樂豐瞻斗敦良燦錦咸豐九年知縣胡汝開築馬瑙山牆數百垛修葺四門城垛久雨隨崩十年知縣彭名湜續築增修砲臺四座

縣志

明新都楊慎記正德初劇寇嘯聚於巴閬山中流毒於傍數十州縣州縣守吏能全城庇民者僅一二豈其智勇之盡劣與城之不固備之不設是以謀鬱於胸力屈於外徒手而無以支其卒至之變也富順爲川南巖邑童侯綸以進士來爲邑宰於

敘州府志

卷八

城池

七

富順

斯時值耀武千里響接日戒孔棘侯乃周諮於邑之士大夫并進其邑之耆艾而喻之曰城郭溝池所恃以爲固者也合八口而爲家藩落之不密遇胙篋之盜至則一家之積非其有也爾富順爲縣有君子之世閱焉有齊民之世業焉聯之奚啻萬家比之奚啻百聚今猖獗之徒又奚啻胙篋白梃者而已一旦不虞而衡至俾爾邑人松柏剪伐井木堙刊君子重宗祀之寄恐不釋然先去齊民去其旦暮之業則何以生是豈惟吾當事者之羞抑爾邑人之憂也盍姑無愛力以完之乎且掌固設

險國有恒制戒門閭修鍵閉歲有恒期慎固封守
時習教事守土者有恒職茲在平時則然矧今當
朝烽夕檄之衝流矢長戟之會乎吾從政也新施
信於爾民也未久茲欲成城爾有嗛言於野曰吾
邑無城舊矣侯欲舍我事而興我役賊未必來我
力疲矣爾何不思之甚耶舊曰城之廢弊也非制
也吾稽其制而救其弊而起之廢也毋曰不來來
何所恃恃吾有以備之耳於是士大夫咸再拜以
請曰若侯之言吾邑之幸也敢不惟命是從細民
猶未慙諭侯曰民誠不可與慮始也然吾志已決

不知其他役不可止必期遄集乃選辰經始循縣
治東首桑棗園沿其後至鍾秀山下詰曲約舊址
也縣治之前舊爲江水所啗淖陷不容版築乃環
沙渚遷民舍以剛鹵之地爲之厯西街至東原皆
新基也均其方隅分之編戶綜其班事督以序民
易則成也良材百具眾工偕興發其壘雉悉用斲
石堅如積鐵屹如壁山崇樓聳峙磴道聯升陴堞
周護闕民寇於間可以施弓櫓可以時警巡可以
遠偵候其下通往來之門六北曰拱極東北曰向
陽東曰東津南曰文明西南曰鎮江西曰凌雲環

周以里計者五廣以丈計者一高如廣之數而倍之始事於正德壬申秋訖於次年夏役甫竣賊眾果壓境聞有備弗近居民賴以爲司命相賀如得更生於是始深頌侯之德而忘其先之勞也其君子曰是猶未盡知侯之德也有一時之利有百世之利野戰所獲特一時之利高城深池乃百世之利也我侯之德眞百世於我富順矣不有以紀之非所以永其賜於無窮也刑部主事楊訓遠狀其顛末俾以圖來請記其成予惟三代籍封疆城郭制亦詳矣非專恃此以存也聖人吉凶與民同患

其爲治也本末具舉道積於身固有以一天下之心而法制詳密又有以周天下之慮此其所以本強而精神固折衝晏然內甯而外無憂孟子固嘗言國之固不以山谿而築城鑿池之策明以告於滕君吳起亦嘗言國之寶不在川陵而漏船燒屋之戒炳然著於兵法蓋推本而論則有輕重緩急之差若舉其全則廢一不可者此道也治古之世則兩得之逮德下衰則兩失之通其說而施之存乎其人耳侯以寬和之政甦民於小康又能爲民捍大患於未然誠今之良有司也安得如侯者百

輩在之天下干戈可戢民病庶幾其有瘳乎昔周
宣王中興有諸侯之患仲山甫城東方而詩人美
之宋仁宗慶曆中西鄙熾虐范文正城大順而賊
人破膽名儒記之况吾皇方惇德允元遏亂治平
比迹往古侯期且進而羽儀於朝其必不以一邑
之治績自足而以山甫文正自期也史司紀載尙
當執筆嗣書之

〔邑人熊敦樸記〕三危在燉煌南接岷山而帶黑水
洛通者章山也又在三危以南洛水所出濫觴杭
葦幾滴汨而抵什邡此蓋桑鄴所窮源云夫洛雜

同音異源出熊耳者屬北條而此出三危則屬南
條耳洛自什邡下流逕新都而與合者爲緜水流
逕緜竹而與合者爲湔水又再歷廣漢資簡中江
以遞洛原再合而匯金堂石亭絳水雁水中水以
入金川而洛始滂瀆東注大江焉蜀都賦云浸以
緜洛今從羣水輻輳是豈特緜洛哉緣是所合益
多而水勢益迅怒濤急湍批崖衝擁顧無涯也唐
人詩曰路有潼江險而無行路難以爲人心險於
水者吁若是哉夫險坎也卦象爲水又其爲患不
常乃無恆之災也以坦道馭險道以有恆馭無恆

持此以論治綽綽也利涉云乎哉邑城枕江陽上流且濱洛內其東北岸迎瀾巖狂瀾訇磕之勢當其添漲淪齧圯濫之餘及臺隍者幾矣隆慶歲壬申楚黃泰字劉侯爲之經始起東北郊沿江下踞子門壘砌層階邑城賴之癸酉以還漲發復圯蓋不啻壬申時也萬厯己卯關中含我秦公再役工役因故致新計遠而工實倍之役均而里無擾蓮幕柳陽羅君共協理焉故洛原人士將世世稱頌不輟矣公丁丑舉進士雅抱經濟畧居官慨然以勲業自勵琴鶴稍暇卽留意江防雖溽暑亦不知勞蓋得之坦道恆心如此時廣文昆陽李先生畢節沈先生華陽溫先生將勒石以垂不朽而屬余爲言以紀其事予聞建非常之績者必藉非常之才然後乃濟昔禹導江岷山卒底地平而李冰鑿渠遂爲沃野要皆以坦道恆心馭之而外家乃稱禹得策招章余虞黃魔大翳庚辰童律之助而冰又以媾婚江神化形鬪殺而患始息是何說哉方今南北水利江防每遭堤決且滋寇盜而黃河亦遷徙不常海運廢弛東夷騷擾而亨屯拯溺當屬斯人我國家掄材其將何以遇公而公亦何以應

遇耶殆非管蠡所窺測矣吾邑舊牧前此有大司寇滇池嚴公御史大夫郢都會公累以恩澤浹被並列顯秩邑人素知慕義蓋亦有以厚望公云

南溪縣

前濱大江後繞小溪舊係土城明天順中知縣鄧壽椿路義相繼重修始砌石城牆高一丈二尺周圍九百丈計五里城門七

皇朝乾隆元年知縣李閻權補修十二年知縣高有懷續修二十九年知縣崔光儀暨官民捐資重修加高一丈七尺五寸廣六里有奇計一千一百零八丈環列

敘州府志

卷八

城池

十一

南溪

九門正東望瀛東南萃金東北皇都鳳翔正南文明西南廣福錦江正西服遠正北迎恩塚口一千六百八十九個東西北濠深一丈廣二丈道光二十六年知縣彭旭初培修加高二尺築炮臺十六個咸豐十年知縣唐炯倡捐重修一律加高共成一丈七尺周圍一千三百三十九丈九尺二寸共計塚口一千七百三十個西北增築大炮臺五座小炮臺十六座同治四年知縣雷爾卿補修鳳翔門外增築月城一座東北西北兩城角建礮臺

縣志

唐德一重修城垣門樓碑記夫樹縣必控制其形

而固其勢氣依形而聚形因勢而凝形勢據而益以厚集之人心而蟠結不拔之基以立是故邑令爲

天子親民守土所以宅中而治與省鎮郡守同而根本之地金湯之固有獨重焉南治在漢與宜賓同爲犍道縣地隸犍爲郡梁改置南廣縣於今之李庄鎮隋改曰南溪越唐至宋相傳慶厯中諸葛武侯嘗顯靈於此告土人異日當爲花縣逮熙甯間果易南廣建今邑元明因之聞城池創天順中續修於正德間周袤五里城門七以崇禎甲申流寇蹂躪

敘州府志

卷八

城池

三

南溪

不但官舍民居灰燼無存併城垣亦遭坍塌泊我朝蕩平安阜於茲百二十一載然後昔之蔓草荒烟復爲桑麻雞犬昔之頽垣壞宇復覩豐棟輝煌昔之樸野僅任耕鑿今且戶誦家絃浸浸聲名文物之盛無平不陂無往不復詎非古今之恆理哉而惟是人民已復城郭未能逮古無以壯邑觀前賢尹間嘗議及特以土木費巨勝而任之艱也乾隆二十六年冬順天翬堂崔公以世胄名儒來宰茲土仁心撫字雅化培養未踰年而政通人和士民愛戴嘗周視邑城傾敗銳意復修適二十八年奉

檄遂捐俸倡議商之闔邑耆老靡弗翕然鼓力樂輸勩事爰諏曰鳩工擇練達紳士劉子文遠李子如椿張子洪昇劉子正選李子文尉高子商玉包子鴻陳子大器曾子達章楊子杰十人肩其務一切公費出入土木輒石泥工督理支給皆經手毫無奸猾侵漁弊公尤不憚勤勞時出與首事諸人量度規畫不獨圯者新之杌隉者俱更之周袤仍制崇升數尺門洞濶數尺崇如之沿城堞牆概以甃砌務令堅固垂永門樓除舊置新繪飾如式匾額各錫嘉名望煥然色改經始二十八年仲冬竣

工二十九年秋季功成上其事於各憲交稱善邑父老謀勸貞珉紀公績乃屬不佞言以弁固辭不獲惟夫王政之可大且久也在權其本末而輕重布之審其先後而次第圖之是以條理不紊規模閔遠南邑濱大江由省郡下通瀘渝爲水路衝外接長慶高珙以達滇壤蜀南要區也觀夫四境民居稠密環城內外戶口殷盈商旅肩摩轂擊咸憑城爲倚詎得任其藩垣弗備啟閉無嚴公以本計爲先精心幹濟易頽敝而飭之新而恩信潛孚人心嚮義肇造未幾羣工趨事若子來數月間錚錚

相聞登登弗輟不待呼而疾弗稽時而成其斯諸
說以先民忘其勞者與恆情知近而不見遠或苟
安目前之逸公毅然無畏於難爲

國家捍牧圉邑民樹保障其智深識遠誠有大過人
者書曰民爲邦本本固邦甯試廣其義民盛於城
城之固民不其甯耶顧不佞尙有進也竊嘗步闡
循行登樓而眺瑞雲帳后琴山面拱龍騰護左平
蓋峙右瀛洲砥柱中流可廬龍透望中隱秀是不
獨邑扼形勝山川之靈實鍾焉夫造物清淑之氣
惟人蓄而留之蓄之厚而弗洩則其聚也盛而發

之宏以遠斯城官署學宮在其中固闔邑發祥之
源公爲固其衛以萃秀靈之鍾將邑中豐隆之兆
在此而人文蔚興崢嶸之基亦植此是公之爲南
造福蓋有大焉而南之永賴又匪徒倚苞桑之固
於千世已矣是爲記

知縣雷爾卿礮臺月城記邑城周圍九里設九門
南臨大江之險可保無虞惟北與鳳凰山相逼又
連龍騰 聖宮在其上故北門爲鳳翔門城身薄
設有警難以禦敵非建礮臺及月城不可丙寅夏
予創修軍械火藥二局邑人復以是爲請因於鳳

翔門外修月城一座以護 聖宮用石一千二百餘丈又於東北西北兩城角建空心礮臺二所高與城埒圍八丈樓二層可容百人輩飛如雨翼一以護皇都門外之居民一以保迎暉門外之廬舍各用石九百餘丈工堅料實高枕可無憂矣當此鄰氛未靖不得不爲未雨之計但願烽烟無警干戈永息存而不用可也監修邑衿郭城鉅包汝載温以奎徐上已例得備書時同治六年仲冬

長甯縣

宋祥符六年轉運使寇瑛平晏葵斗望塹三壕築土

敘州府志

卷八

城池

十六

南溪

城於清井監政和七年判官趙通平晏葵卜漏等改清井監爲長甯軍復增修理明景泰初邑人周洪謨因邊警奏請重修成化十四年邑人李永通奏請拓充城制知府丁璐知縣劉瑑經治其事拓充東偏西南北仍宋舊址後知府王良美贊以石城制完固城高一丈五尺周三百七十五丈門四宣仁振義壽昌

通濟

縣志

高縣

明景泰初築土城成化間贊以石高一丈五尺周二里計三百六十丈門四明季傾頽

皇朝乾隆二十九年知縣李鴻楷改修咸豐十年小南門左旁崩裂數丈署任張祺修葺同治四年北城崩數丈知縣敖立榜修整完好縣志
筠連縣

明景泰初築土城成化二年知縣翁冕甃以石萬厯年間知縣蔣邦輔補修凡高八尺周一里六分計三百零八丈池深一丈門四明末圯

皇朝康熙八年知縣孫如芝重修復築土城今亦圯縣志

珙縣

舊城在麟鳳山明天順八年知縣曹棠築後因兵燹

敘州府志

卷八

城池

七

筠連
珙縣興文

頽圯

皇朝康熙年間始遷今治仍築土城乾隆三十五年知縣王聿修重修共三百六十丈門四南鳳儀北麟舞東

襟山西帶河縣志

興文縣

宋趙適征蠻常駐兵於此始築土城高不及丈明洪武中甃以石高一丈周一里八分計二百七十丈門四正德二年建石城高一丈周圍一百九十九丈城樓三座開三門通志

建武城 在縣東南漢犍爲郡漢陽江陽二縣也元

爲戎州地明戎縣山都蠻地萬厯元年置建武所直隸四川都司

國朝康熙六年裁所以敘州府通判治之雍正六年移通判於屏山縣新鎮城廢明李長春修建武城記建武故山都地夔人屯聚寇鈔葆此蓋巢穴云異時戈矛所指往往搏景而還故夔人盤亘自堅虎豹咆哮於九關誰其捱胸而刺之刃也當元年之役都御史確庵曾公提大軍臨之誓諸將吏曰師不摩九絲之壘雖穿甲朽鏃不休也卒之高墉摧而堅壁碎鄉者武夫健兒盼睨悼慄不敢窺足之域今五尺豎子可

敘州府志

卷八

城池

十六

興文

徒手行焉公乃巡省指顧謂藩臬諸大夫曰噫天地不蠻貊隔哉然山川何雄且都也矧厥壤沃厥穀蕃梗楠合抱之材大者足庇兕象莽之生茸茸彌山也是徼外之陸海哉其議城事已又曰夫山都不城則不戍不田則不屯必留驍將彈壓之頓兵置營庶幾哉據危而固險也其議繕幕府司署與墩堡事已又曰夔人由漢通道來魑結侏僂嗜屠裂甚於饑烏之攫食彼其腥風鼓扇疆土固污巖焉欲被濯之非素王弗化也其議建學事已又曰鎮中將校列矣營壘布矣壇墠置矣藉令鎮撫觀察之使與憲大夫行部

至節鉞奚止也其議飭傳舍事於是諸大夫賄公經措井井纒纒犁然當心也因庀材鳩工程能計日擇郡邑長貳之幹局者分任之而總帥劉君顯參戎張君澤亦各率其眾操版築以從貲匪賦增役匪農佔經始逾年而功成矣城周四百八十二丈上陽橋四百四十間下水洞二座三門各樓中爲兩院行臺爲兵備道爲總帥府爲安邊同知署爲坐營守備廳爲建武所爲倉儲爲學舍爲城隍旗纛廟外堡十五墩二十二升而望之長堞巉巉穹樓巖巖塢壁碁置鈴柝畫銜環而覽之阪田坳施膏腴滲瀰闐闐若織周

廬若帷蓋抗重阻而隘要害也史法城成必書又所名出自上命宜特書故諸大夫李公楊公羅公陳於不佞受簡焉長春按圖歎曰茲地辱在蠻荒自剖叛則然也魑魅之與族猓偷之與鄰日月猶羞燭之何論人羣也而是役也通縣道爲版圖易蠻俗以雅化高城浚隍之間得以春秋耀吾軍士而令跳呼之徒化爲絃誦叩笮冉駘牂柯夜郎諸君長胥震怖頓顙各願保塞卽有蹇越獷黠之謀亦竄首結舌而不敢動蜀中兵日少惟此稱心腹之疾今乃得當俞跗湔浣漱滌霍然病已矣夫破蠻擒王殲巨寇若拉朽大

勛也刷恥攄憤抹赤子於阡危大造也著籌碩畫使
來者拱手而受成大計也視武侯擒獲散羌威密山
徼不尤輝赫懾伏哉迺諸大夫協應則蒿目柄事則
鞅掌咸無愧媿媿之勞臣云

通志

隆昌縣

縣城在古隆橋驛明隆慶三年知縣王寵初建石城
皇朝康熙六年知縣祝大年重建康熙五十九年知縣劉
琨詳請修葺乾隆二十八年知縣黃文理捐俸助修
嘉慶五年知縣盛世綺增修城中周圍四里三分高
二丈二尺門四咸豐九年知縣肅慶增修小南門礮

敘州府志

卷八

城池

三

隆昌

臺一座周圍女牆間增數尺十一年知縣魏元燮增
修東門水城北門礮臺同治元年知縣國璋增修南
北甕城高與城齊

縣志

知縣劉琨修建城樓記古人因地以建縣後人因
制而完補垂訓守壯觀瞻二者相因爲用也有創
無守何以昭來茲有制勿興何以資保障先後相
需今古一致隆昌創始於前明隆慶二年地形發
源終南熊耳自北而來蜿蜒數千里至其地綿亘
一山名曰雲頂然後轉折三五結爲縣治宛若蓮
花縣署居蓮房左右環抱前後朝拱形勢儼然秀

而明直而正也舊設東南北門西方因地形不便故於西南設一門以當之合爲四門各建城樓周圍城垣悉包羅無遺是以先世科第人物蟬聯不已迨至張逆蹂躪城郭坵墟城樓灰盡在當日新建之縣治一旦傾爲瓦礫之場矣我

朝定鼎哀鴻爰集繼又吳藩變亂官斯土者無暇治之以至八十餘年城樓無柱礎之遺城垣多崩塌之處余於康熙丙申夏來令斯土目擊心傷有志修補而未逮十載以來各上憲廣示招徠人民雲集向之落落晨星者忽爲攘攘肩摩地矣此亦山

川之靈時至勿遲之會乎乙巳春毅然舉事以遂初志鳩工命匠相與從事越兩載樓閣崢嶸城垣壁立憑虛一望百雉屏如四樓聳翠居民輻輳一逢場集之期惟聞薨薨振振矣噫嘻厥功成矣縣治備矣壯觀已或曰樓也門也煥然一新不洋洋大觀也哉後之令斯邑者誠能缺者補之壞者修之庶億萬斯年而金湯鞏固矣是予之所厚望焉因以爲記

知縣盛世綺重修縣城碑記邑之有城所以禁暴衛民也前人創之後人因之無俾城壞乃足以肅

觀瞻而垂久遠隆邑城垣閱舊志創自前明隆慶年間兵燹後僅存遺址至我

朝康熙六年邑令大年祝公始克重建百餘年來官斯土者雖時加補葺而河水浸灌風雨飄搖不獨女牆盡歸頽壞卽城身之裂縫發鼓勢將傾圮而危如累卵者蓋十有八九矣予於嘉慶戊午秋來蒞茲土有志補修因軍興不果庚申春邪匪逼近鄰邑羽檄雲飛人心惶惑徙家於城者不啻數萬計無復之不得已暫用竹篾貯土壘砌以資保障幸邪氛遠遁得保無虞然任其傾圮究非防衛之

道爰啟上臺設法新修裁協濟渠邑站夫之需以資工費命紳士李學淵余昂等董其事新爲指示摘段折修共計城身六百一十丈凡參差不齊者俱易之增設垛口一千五百三十座高二丈二尺海漫內牆門樓捲洞無不煥然巍然以壯一邑之勝門四東曰覲光南曰解愠西因地形不便於西南設一門曰聚奎北曰拱極經始於嘉慶庚申仲春越辛酉冬落成或謂興作之難也往往公旬無度輿皂持片紙挾赤字叫囂乎東西隳突乎南北譁然而駭魂夢皆驚今百堵皆興而野無追呼戶

胥安枕者未卜操何道而能致此予曰天下事善創不如善因因所利而利之擇可勞而勞之非當其事者不知知其事者無不交相悅服是則斯役之不擾於民而實大有益於民也於是乎書

屏山縣

縣城即馬湖府城明隆慶間知府張世印甃以磚石高一丈五尺延袤七百七十四丈厚一丈面以石板雉堞一千四百八十八門五東躍龍西噉鳳南朝陽北承恩小南曰迎江門各有樓東四可西懷遠南攬勝北拱極小南得月又有水門三以通螞蝗溝鴨兒

敘州府志

卷八

城池

三

屏山

溝水道便門三以通水薪城小而固乾隆十五年奉委通判鄭文坦協同知縣張乃史培修

縣志

馬邊廳

馬邊城周三百五十丈高一丈五尺厚半之門五東陽和西武定南開建北永賴正西樓則培而高以崇主山閭閻廛市分布井然城之中又為內城萬曆十七年建歷年久遠被水冲壞自行坍塌僅存一百二十丈乾隆二十九年詳請興修奉批馬邊土堡不在

城垣之例未准

廳志

煙烽城一名煙草峰城在邊城南七十里周二百二

十二丈東西南北城樓四座

雷波廳

廳城雍正八年衛守備胡漪請欵建修委潼川州知州徐遵義總理順慶府同知管臚傳宜賓知縣許王謨監築土城高一丈二尺周三里三分計五百九十四丈門四迎恩宣化永安拱辰各置以樓城外無壕乾隆九年衛守備郭佩六十年通判富森保嘉慶六年通判方懷萱補修道光十八年通判劉耀庚重建石城週圍長六百五十三丈高一丈五尺六寸門四覲光金帶福喜錦屏砲臺六座光緒八年松潘鎮總

敘州府志

卷八

城池

雷波

雷波

兵李培榮捐銀一千增修東西兩耳城

廳志

通判劉耀庚記雷波古荒服也僻在蜀之西南隅自雍正七年黃太保勘定後始設流官建城郭而土垣高不及尋亦無雉堞歲久傾圮殆盡民貧地瘠雖欲議修而未能也道光丁酉秋涼山生番出擾余以慶符令從軍卽攝通判事因念雷波爲馬屏門戶滇蜀藩籬且與猺夷共域而居苟捍衛無資將何以嚴管鑰而謹斥埃乎爰捐俸補葺爾時遂有改築之願戊戌春夷匪平以報銷事晉省得力陳於前制府八閩蘇公特發帑金命建石城旋

雷之日適生夷又復潛來距廳城祇數里居民恐甚余亟會營僚定戰守計顧斗大頽垣登陴無容足處不得已於城北後山高塹督弁兵募丁壯列陣以待賊見我軍屹如山立乃不敢踰溝翼日始退去而築城愈不可緩矣卽日經營相度鳩匠鑿石卜吉興工九閱月而告成計垣高一丈五尺餘徑圍六百餘丈譙樓四礮臺六水洞五城壕廣狹有差邊隅重地儼然一雄關矣是役也余固首創其議然非蘇公毅然籌發大帑此舉斷不就則雷民之仰戴我蘇公爲何如哉茲者崇墉鞏固吾民皆安枕無驚其蠢虜之跳梁不法者迭經捕獲咸伏

敘州府志

卷八

城池

五

雷波

天誅而良者自當懷德畏威永奉我

國家道一風同之治夫固日引月長有備無患也雖然一勞永逸者有司所以盡守土之責居安思危者邊氓所以爲禦侮之謀從來地利不如人和苟眾志成城守望相助則萬年樂利永靖烽煙將尤勝於百堵之興聊固吾圉已也爰書顛末勒諸貞珉云

黃螂所巡檢司城雍正八年委潼川州知州徐遵義

總理敘州府通判瞿燕貽屏山縣知縣馮又興監築
土城高一丈一尺周二里七分計四百八十六丈門
四無樓同治中巡檢沈彬稟抽烟釐改建石城光緒
八年總兵李培榮捐銀一千兩補修完備

普安右營石城道光十八年通判劉耀庚請款建修
委雷波訓導張學古照磨滕國倫監築至二十二年
告竣周圍四百二十丈礮臺兩座

鄉鎮附

宜賓縣

編戶二十八鄉

敘州府志 卷八

鄉鎮

三

雷波 宜賓

白沙鄉

涼姜鄉

高洞鄉

舊上鄉

舊下鄉

義上鄉

義中鄉

義下鄉

榮壩鄉

大塔鄉

宣上鄉

宣中鄉

宣下鄉

天池鄉

統山鄉

山外鄉

山內鄉

青山鄉

豆壩鄉

安邊鄉

水過河鄉

蔣桃鄉

杜覽馬鄉

前屯鄉

後屯鄉

鳳儀鄉

甲第鄉

黎湯鄉

鄉分六十二場

白沙場

治東二
十里

雙河場

治東五
十里

象鼻場

治東四
十里

弔黃樓

治東
五里

宗家場 治東北三十里

王家場 治東北一百三十里

孔灘場 治東北一百五十里

高墜場 治東北一百六十里

雙石舖 治東北二百里

高店場 治東北九十里

漆樹迷場 治東北一百五十里

金平場 治東北七十里

白花場 治東北一百二十里

青桐坪 治東北五十里

永興場 治東北九十里

邱家場 治東北一百里

打鐵坳 治東北六十里

興隆場 治東北一百四十里

思坡溪 治東北三十里

王思通場 治東北一百二十里

花古場 治東北八十里

天星場 治東北七十里

李家場 治東北七十里

大塔場 治東北七十里

敘州府志 卷八

鄉鎮

三

宜賓

馬家場 治東北九十里

仙馬場 治東北一百二十里

徐家場 治東北一百四十里

隆興場 治東北一百五十里

萬里菁 治東北一百四十里

觀音場 治東北一百六十里

乾柏樹 治東北一百六十里

沙溝場 治東北一百八十里

三合場 治東北一百八十里

泥溪場 治東北一百八十里

柳家場 治東北二百三十里

合什寺 治東北二百四十里

白馬場 治東北二百六十里

兩平場 治東北二百二十里

合江鎮 治東北二百八十里

月波場 治東北二百四十里

牛喜場 治西北四十里

柏樹溪 治西北四十里

高家場 治西北七十里

真溪場 治西北一百十里

王家場 治西北一百三十里

五間房 治西二百里

脚溪場 治西北一百四十里

商州場 治西二百里三十里

五桂新場 治西六十里

豆壩場 治西六十里

安邊場 治西九十里

觀音堂 治西南七十里

橫江場 治西南一百四十里

張窩場 治西南一百六十里

捧印村 治西南二百里

雙龍場 治西南一百九十里

沙溪場 治西南一百六十里

羅河村 治西南一百二十里

許燄場 治西南二百四十里

迴龍場 治西南一百六十里

趙家場 治南三十里

太平新場 治南二百四十里

慶符縣

敘州府志 卷八

鄉鎮

三

宜賓 慶符

編戶四鄉

易俗鄉 安定鄉

永甯鄉 古祥鄉

鄉分十七場

復古場 治東三十里

龍洞壩場 治東六十里

復興場 治東七十里

沙河驛場 治東九十里

祭天壩場 治東一百四十里

懷遠鎮場 治南三十里

觀音場 治西一百里

賈村溪場 治西二十里

水洞坎場 治西七十里

來復渡場 治北五十里

大窩場 治北七十里

雙河場 治北八十里

月口場 治北九十里

福溪場 治北一百一十里

壽增寺場 治北一百二十里

南廣鎮場 治北一百四十里

小沱子場 治北一百五十里

富順縣

編戶四鄉

在城縣 上東 下東 洪合鄉 上南 下南 玉正鄉 上西 下西 富義鄉 上北 下北

鄉分五十四場

趙化鎮 治南七十里

牛佛鎮 治東八十里

杜快舖 治東三十里

同龍場 治東三十里

太平場 治南二十里

世和場 治東六十里

起鳳場 治南六十里

黃鄭舖 治西六十里

敘州府志 卷八

鄉鎮

元

富順

大坳場 治東七十里

徐家場 治南九十里

安甯場 治西九十里

懷德鎮 治南一百里

自流鎮 治西九十里

萬家坳 治東三十里

秀巖場 治北二十里

橫田溪 治南五十里

萬壽場 治東六十里

瓦宅舖 治北六十里

沙坪場 治西七十里

程家場 治西八十里

天陽坪 治東九十里

大山舖 治北一百里

義和鎮 治南一百二十里

戴家寺 治東四十里

雙石舖 治西一百二十里

兜子山 治南五十里

安福場 治南六十里

流水溝 治西五十里

石鹿舖 治南七里

何家場 治北九里

豐樂場 治南九里

飛龍場 治南一百二十里

宿灘壩 治東一里

馮村壩 治東十里

久泰壩 治南一里

周石壩 治南五里

喻家壩 治西一里

張村壩 治西七里

義莊壩 治西四里

丁家壩 治東五里

易家壩 治東三里

長灘壩 治南七里

富家壩 治南四里

先市壩 治西六里

楊家壩 治西十里

賀家壩 治西三里

鞵壩 治北五里

韋村壩 治東五里

敘州府志 卷八

鄉鎮

三

富順 南溪

尹市壩 治南十里

馬順壩 治南十里

板橋壩 治西六里

鎮溪壩 治西二里

細土壩 治西六里

海棠壩 治北一里

南溪縣

編戶九里

在城里

白雲里

中華里

上高熊里

下高熊里

上桂里

高湖里

山村里

普安里

里分十六場

留賓場 治東北三十里

劉家場 治北十五里

仙臨場 治北三十里

汪家場 治北六十里

黃沙河場 治西北七十里

石鼓灘場 治西北六十里

盤龍場 治西北一百里

羅龍場 治西三十里

牟亭舖 治東北九十里

馬家場 治南三十里

宋家場 治南五十里

李庄鎮 治西南七十里

觀音舖 治北六十里

牟家場 治南八十里

毘盧場 治西南一百二十里

李端場 治西南一百二十里

長甯縣

編戶十五鄉

在城鄉

上西鄉

黃葛鄉

新保鄉

敘州府志 卷八

鄉鎮

三

南溪 長甯

石笋鄉

甯正鄉

梅碕鄉

古賢鄉

武甯鄉

上安鄉

中安鄉

下安鄉

上長鄉

下長鄉

下遠鄉

鄉分十八場

龍透場 武甯鄉縣北十里

相公嶺場 武甯鄉縣北四十里

銅鑼井場 武甯鄉縣南四十里

官興場 武甯鄉縣北三十里

洞底場 甯正鄉縣北四十里

花灘礮 甯正鄉縣北六十里

太平場 甯正鄉縣西五十里

開佛寺場 下安鄉縣東九十里

古家河場 上長鄉縣東一百二十里

梅家場 上長鄉縣北一百里

馬家場 上長鄉縣東一百六十里

梅洞場 梅碕鄉縣南四十里

梅橋場 梅碕鄉縣東二十里

老翁場 下遠鄉縣南八十里

沙河驛 古賢鄉縣西八十里

安甯鎮 上安鄉縣東七十里

桃皮場 中安鄉縣南七十里

下長場 下長鄉縣東北一百三十里

高縣

編戶四鄉

歸化鄉 綏來鄉

安甯鄉 定邊鄉

鄉分十七場

三樂場 治東三十里

老王場 治東五十里

羅家場 治南四十五里

樂潤場 治南三十里

可久場 治西五十里

攢灘場 治東四十里

敘州府志 卷八

鄉鎮

三

高縣 筠連

土地坎 治南七十里

吳家場 治南一百六十里

沐愛場 治南一百八十里

樂建場 治南一百六十里

麻柳場 治南二百里

正洲場 治南二百一十里

平寨場 治南一百二十里

沐柔場 治南二百三十里

復興場 治南二百四十里

沐祥場 治南二百八十里

楠木坎 治南三百一十里

筠連縣

編戶五鄉

海銀鄉

定川鄉

祿南鄉

木浪鄉

安鄉

場鎮闕

珙縣

編戶八鄉

文聚鄉

仁壽鄉

知樂鄉

甯泰鄉

孝友鄉

崇禮鄉

育賢鄉

集義鄉

鄉分七場

巡檢司場

在仁壽鄉

底洞堡場

在知樂鄉

孝兒嘴場

在甯泰鄉

羅星渡場

在孝友鄉

落表場

在崇禮鄉

迴龍場

在育賢鄉

王家場

在集義鄉

敘州府志

卷八

鄉鎮

三

拱縣
興文

興文縣

編戶十鄉

讓畔鄉

近城一帶

躍龍鄉

治東

六合鄉

治南

蒼靈鄉

治東

武甯鄉

治西

文印鄉

治南

毓秀鄉

治西

翥鳳鄉

治南

居杭鄉

治西

落羅鄉

治西

鄉分十場

本城場

梅嶺場

治東三十里

五村場

治南八十里

三官殿場

治東南五十里

建武城場

毓龍場

治西南一百一十里

迴龍場

治南一百四十里

炭廠場

治西南六十里

上羅場治西南一百九十里

落亥場治南一百八十里

雙河場治南一百二十里

隆昌縣

鄉闕

八場

伍波場治東五十里

榮隆場治東五十五里

周興場治東四十五里

界市場治東三十五里

黃家場治西北六十里

石鷺場治南二十五里

富隆場治西五十里

涂家場治西十五里

屏山縣

敘州府志

卷八

鄉鎮

三

隆昌屏山

編戶三十二鄉

福延鄉治東

書樓鄉治東

黑河鄉治東

王家溝治東

巖門鄉治東

馬草鄉治東

炭庫鄉治東

茨藜鄉治東

羅伍鄉治東

瓜露鄉治東

兩合鄉治北

洗油鄉治北

龍水鄉治北

羅柘鄉治北

黃丹鄉治北

三公鄉治西

平夷鄉治西

蠻夷鄉治西

中都鄉治西

龍溪鄉治西

新鎮鄉治西

史村鄉治西

沐川鄉治西

大村鄉治西

李村鄉治西

鳳村鄉治西

利店鄉治西

石堰鄉治西

肥漣鄉治西

榮丁鄉治西

青龍鄉治西

楊村鄉治西

鄉分三十一場

福延場在福延鄉

羅東場在書鄉

大乘場在巖門鄉

月洪場在書鄉

箭板場在馬草鄉

鴨池場在書鄉

炭庫場在炭庫鄉

羅柘場在羅柘鄉

迴龍場在炭庫鄉

黃丹場在黃丹鄉

雙河場在龍水鄉

平夷場在平夷鄉

底堡場在龍水鄉

萬壽場在新鎮鄉

蠻夷場在蠻夷鄉

中都場在中都鄉

石角場在蠻夷鄉

會龍場在中都鄉

下溪場在蠻夷鄉

龍華場在龍溪鄉

敘州府志 卷八

鄉鎮

冒水孔場在蠻夷鄉

觀音場在龍溪鄉

沐川場在沐川鄉

興隆場在大都鄉

李村場在李村鄉

鳳村場在鳳村鄉

利店場在利店鄉

榮丁場在榮丁鄉

大谷場在利店鄉

周壩場在楊村鄉

茨竹場在青龍鄉

馬邊廳

編戶九鄉

官湖鄉治南

川秧鄉治北

蕎琪鄉治南東

煙烽鄉治南

上溪鄉治北

下溪鄉治北

岡外鄉治西

迴龍鄉治西

大竹鄉治西

鄉分十七場

興隆場在官湖鄉

佛鎮場在川秧鄉

兩河場在官湖鄉

雪口場在溪上鄉

大羅場在官湖鄉

普興場在竹大鄉

核桃場在岡外鄉

下溪場在溪下鄉

三河場在岡外鄉

鎮江場在溪下鄉

蕎琪場在蕎琪鄉

瑪瑙場在蕎琪鄉

靛藍場在蕎琪鄉

煙烽場在煙鄉

三岔場在蕎琪鄉

走馬場在煙鄉

敘州府志 卷八

鄉鎮

三

馬邊 雷波

油柞場在煙烽鄉

雷波廳

編戶十八鄉

牛吃水鄉治東三十五里

箐口鄉治東六十里

海腦琪鄉治東九十里

祛裡密鄉治南五十里

天姑密鄉治南七十里

鳳凰鄉治西十五里

迴龍鄉治西南二十里

李子坪鄉治分水嶺下

青山鄉接連李子坪

那古鄉治黃螂十里

穀米鄉接連那古鄉

大漢鄉治黃螂二十里

仁義鄉接連大漢鄉

雙河口鄉治黃螂七十里

鄧溪鄉 治黃蠓七十里

廣餘鄉 治北九十里

東林鄉 治東北一百二十里

界子村鄉 治西一百二十里

場鎮 關

戶口 附

敘州府

戶共四十八萬九千六百零八男女口共一百七十三萬八千四百八十四

宜賓縣

戶十三萬七千六百九十八男女口三十八萬八千

三百 縣册

敘州府志 卷八

戶口

三

府宜慶富南長

慶符縣

戶二萬五千三百六十八男女口十三萬一千四百

五十六 縣志

富順縣

戶六萬四千三百九十二男女口二十三萬七千六

百五十 縣册

南溪縣

戶三萬五千七百五十八男女口十一萬三千九百

三十九 縣志

長甯縣

戶三萬三千七百一十八男女口十一萬六千八百

八十七冊縣

高縣

戶一萬二千三百五十五男女口五萬七千九百四

十四冊縣

筠連縣

戶一萬四千八百六十一男女口七萬四千四百零

五冊縣

珙縣

戶三萬七千六百八十八男女口一十九萬五千八

敘州府志

卷八

戶口

三

高筠珙
興隆屏

百零三冊縣

興文縣

戶一萬三千二百七十四男女口四萬九千零一十

五冊縣

隆昌縣

戶三萬三千三百三十八男女口十二萬四千二百

二十九冊新

屏山縣

戶二萬八千六百一十男女口八萬八千二百六十

五冊縣

馬邊廳

戶四萬二千八百四十二男女口十萬七千七百零

九廳

雷波廳

戶一萬零七百零六男女口五萬二千八百八十二

志廳

敘州府志

卷八

戶口

三

馬雷

